

نهاوند



ريش

(1)

البرد : ذكرى أحبه
بقت ملامح بعيدة
تفرقوا بالمحبة
تجمعوا في قصيدة !

لما القلوب إتنبه
للعمر تصيح وحيدة
والبرد هذا تهنيه
ذكرى أحد نستعيد
صدقة ، ومن غير سبه
لوح لنا البرد بايده !

(2)

لا تتركك للريح ريشه : لو
تطير
لا تعبث بجنحان روحك ..
أو تحاول تستعير الريش من :
غيمة
ونجمة
وعاشق
وطير
أو تمشي بلا وجهه ووجه
وضمير ..

الفاعل أنت المبتدا ..
اترك خيارك ..
متى ما تشعر بموتك :
هي الحل الأخير .. !

إستدرج بخفة : مدى
واكتب عباراتك
وقسمها على صوتك
وغن بطعم غير ..

تلقاك وحدك بالفضا
ريش
وسماوات
ودعاء أم بهزيع الليل في الثلث
الأخير
بسجدة إيمان ورضى ..

تلقى الكثير
تلقى الكثير
الأكثر :
إنك كنت وحدك طير
ووحدة من يطير !

انكسار حلم

فرّت من كفوف الأمانى عصفير
لا حدّدت موعد ولا عدّدت أسباب
ياسيدي ما عاد أبي لك معاذير
شمس الجفا عندي ولا فيّة عتاب
لو شرهتي هي شرهة الما على البير
ما شفت لك ظامي جذب دلوّ كذاب
صبري هيال وطيحتي طيحة كبير
ودعني الله ما تحت رجلي تراب

عبدالرحمن الرزيني

للشعر دمعي و إنهياري ، وللغير
قصيدة عذرا وشاعر وزرياب
رفرف غصن في دفتري وانحنى طير
للجرح حتى طاح من ريشه أحباب
ما هزّني ما طاح ما هزّني غير
صوت إنكسار الحلم كلّ على الباب
للأرصفة سجدة وللباب تكبير
لو كان ما للحلم قبلة ومحراب

